

## Leholimo, Thuto, le ho Ithuta ka Ho sa Feleng



---

### SABATHA THAPAMA

#### **Bakeng sa Thuto ea Beke ena Bala:**

*Johanne3:16, 1 Johanne5:13, 1 Tim. 1:16, 1 Bakor.13:12, Zakaria. 13:6.*

#### **Temana ea Khopolo:**

“‘Taba tseo Molimo O li lokiselitseng bao ratang, ke tseo leihlo le sa kang la li bona, tseo tsebe e sa kang ea li utloa.’” (1 Bakorinthe 2:9).

**S**ethothokisi se tšohileng lefu, se ile sa botsa hore ke joang motho a ka phelang “a sa tsebe hore na meso, lefu, tšeneyeho, tse emetseng temoho ka nqane ho lebitla ke tse joang?” Thothokisong ena ea hae o ile a qapa seo a se bitsang SBKM, Setsi sa Boitukisetso ba Kamora Mona. Empa motho a ka lokisetsa kamora moo joang a sa tsebe se etsahalang mothong kamora moo?

Ka lehlohonolo, Bible e re fa leseli le leholo ka leholimo, lefatše le lecha, le boithuto le bophelo tsa ka ho sa feleng. Joalokaha re bone kotareng ena, SBKM e teng ha nakoana feela, bophelong bona, 'me thuto eohle—ho sa natsoe lefapha la eona—e tlameha ho re lokisetsa bphelo ba “kamora mona.”

Ka holimo ho tsohle, sekolo se sebetsang hantle se ka fetisa leseli le lengata le letle, ntho tse ngata tse phelang tse nang le thuso. Empa li na le thutso efe ebang motho a ka ba le tsona empa a lahleheloe ke bophelo bo sa feleng? Bekeng ena re tla sheba seo tšsusumetso e re bolellang sona ka likapeso tsa sekolo sa ho qetela, sekolong se ke ke keng sa koaloa ho isa ka ho sa feleng. Sekolong sena sa kamora mona, re tla ithuta lintho tseo, lefatšeng lena, re sitoang ho li nahana feela.

*\*Ithute Thuto ea Beke ena ho lokisetsa Sabatha sa, 26 Tsitoe.*

## Pheletso ea Bafu

Lilemong tsa bo 1600 sengoli sa Lefora se bitsoang Blaise Pascal se ne se thuisa ka boemo ba batho. Ho eena, ntho e le 'ngoe e n'e hlakile: ho sa khathalehe hore na motho o phela nako e telele hakae (nakong eo ba ne ba sa phele nako e telele), le hore na o phela hamonate hakae (ba ne ba sa phele hamonate hakaalo nakong eo), ho se hokae, motho eo o tlo shoa. Ho feta mona, sohle se tlang kamora lefu se ne se tla nka nako e telele, bolelele bo sa feleng, ho feta bophelo ba nako e khutsoane mona pele ho lefu. Ka hona, ho Pascal, nth'oe utlohalang ho feta tsohle eo motho a ka e etsang ke ho fumana hore na pheletso e mo emetseng lefung ke efe, 'me o ne a makalitsoe ke ho bona batho ba ikhathatsang ka ntho tse kang "ho lahleheloa ke ofisi, kapa ho nahana ka thohako e itseng seriting sa hae," empa ba se na taba hore na ho tla etsahalang kamora hore ba shoe. Pascal o ne a e na ntlha. Ha ho makatse hore na hobaneng Bibe e nka nako e ngata e buoa ka tšepiso e emetseng ba fumaneng pholoso ho Jesu, tšepiso ea se ba emetseng bokamosong.

**Bala litemana tse latelang. Ke tšepo efe eo re e fuoang moo? Johanne 6:54, Johanne 3:16, 1 Johanne 5:13, 1 Tim. 1:16, Johanne 4:14, Johanne 6:40, Juda 1:21, Tite 3:7.**

Bophelo bo sa feleng bo utloahala haholo leseling la sefapano; leseling la sefapano, ha ho letho le utloahalang ntle le bophelo bo sa feleng. Hore Mohlōli oa maholimo le lefatše, Eena "ea entseng mafatše" (Bahe. 1:2), eo ka ho eena, "re utloang, re sisinyehang, re leng teng" (Liketso 17:28), hore, Molimo, O fetohe nama ea motho O shoe . . . bakeng sa'ng? Hore re qetelle re bola joaloka liboko? Ke ka hona Testamente e Ncha e tlang e le mabokose a tletseng litšepiso tsa bophelo bo sa feleng, hobane ke bo sa feleng feela bo nang le tiisetso ea khutlisetso. Lilemo tse millione kapa tsona tse billione, li ka 'na tsa se be le be le monate o lekaneng ho re lebatsa ka bobehle. Ke bosafelng feela bo ka tlisang teka-tekanano nthong tsohle, hobane tse sa feleng li tla lula li feta tse felang, le hona ka ho sa feleng. Pascal o ne a nepile: nako ea rona mona e nyenyane hona hoo papisong le se tlang. Ke ho sa ho ho ka kaang ho se itokisetse se tlang! Ke ho sa ho ho ka kang ho se itokisetse bosafelng bo re emetseng!

**U reng ho motho ea bontšang a sena taba ho hang ka se etsahalang kamora lefu?  
U ka thusa motho eo joang hore a bone kamoo ntlha-kemo eo ea hae e se nang kelello kateng?**

## Bophelo bo Bocha

“Molimo O tla hlakola meokho eohle mahlong a bona; lefu ha le sa tla hlola le e ba teng; 'me ha ho sa tla ba masoabi, leha e le ho bokolla, kapa bohloko; hobane tsa pele li fetile.” (Tsen.21:4). See se re bolellang ka kamoo bophelo ba rona bo bocha bo tla fapana hole le boo, bophelo bo se nang bohloko, lefu le masoabi?

---



---



---

Mokreste o ne a buoa le motsoalle ka tšepo ea evangeli, tšepiso ea bophelo bo sa feleng ka Jesu Kreste. Motsoalle a se ke a amohela taba tsena kaofela hantle. “Bophelo bo sa feleng?” a rialo ka ho nyaroha. “U nahana ntho tse makatsanang hakakaang! Re utloa ho lekana ke ho phela lemo tse 70–80 mona. Ke mang ea ka batlang ho li eketsa a phele ka ho sa feleng? E ka ba lihelong.” E ka 'na eaba taba e teng mona, ntle le hore e ka 'na eaba ha a ea utloisisa hore tšepiso ea bophelo bo sa feleng ha se ntšetso-pele ea bona ba ha joale. Ka 'nete hle–ke mang ea ka batlang ntho'eo? Empa, joalokaha temana e ka holimo e bolela, ntho tsa khale li'a feta, 'me tsohle li ba ncha.

**Ke sefe seo litemana tse latelang li re bolellang sona ka bophelo bo bocha bo tlang?**

**2 Pet. 3:10–13**

---



---

**Tsen. 21:1–6**

---



---

**Potso ea bohlokoa ho rona ke ena: Ho hlokehang ho ba karolo ea bophelo boo bo bocha? Re fihla joang moo? Re ka ba le bo'nete ba hore re tla ba karolo ea bona joang? Ke ntho life maphelong a rona, ebang li teng, tseo e ka bang mafika tseleng ea rona ea ho ea ho ba karolo ea seo Molimo A re tšepisitseng sona ka Jesu?**

## Joale re tla Tseba

“Leholimo ke sekolo; ke lefapha la ho ithuta, maholimo le lefaše, tichere, ke ea teng ka ho sa feleng. Lekala la sekolo sena le thakhotsoe Edene; ‘me leano la topollo la fihleloa, thuto e tla boela e khutlisetsoa sekolong sa Edene.”—Ellen G. White, *Education*, leq. 301.

Haeba u tšoana le batho ba bangata, u na le lipotso tse ngata—lipotso ka sebe, mahloko, bokulo, lefu, hore na hobaneng tsena li etsahetse. Re na le lipotso ka lefatše la tlhaho, hape, le liphiri tsohle tsa lona. Ka mora khatelo-pele e babatsehlang e entsoeng ke saense ho re thusa ho utloisisa haholoanyane ka maholimo le lefatše, re ntse re e na le ntho tse nagata tseo re sa li utloisiseng. Ho tloha bophelong bo bonolo-ho ea ho sebaka se kaholima lihlooho tsa rona, ho tloha ho sisinyeheng hoa makumane a seka-a-thomo ho ea setsokotsaneng sa makumane a mafatše a hasaneng hohle hara sepaka-paka, re tobana le ‘nete e kholo e tebileng ho feta likelello tsa rona, haholo-holo ka nakonyana ena fokolang eo re nang le eona mona ho ka ithuta ntho tsena ka borona.

Ka lehlakoreng le leng, ha u e-na le bosalleng hore u ithute, ha ho qea qea, liphiri tse ngata li rarolleha.

**Ke sefe seo litemana tse latelang li re bolellang sona ka seo re tla ithuta hang hore ketsahalo ee e bohloko ea sebe le matšoeneheho e fele?**

### 1 Bakor.13:12

### 1 Bakor.4:5

Re tšepisoa hore re tla fuoa kutloisiso ea ntho tseo, ha joale, re li patetsoeng. Ke tšepo e monate hakaakang, hape, hore hang ha re bona re utloisisa lintho tseo ha joale li bonahalang li le thata, ha ho letho leo re tla ba le lona haese ho rorisla Molimo! Ha joale senotlolo sa rona ke ho itšoarella tumelong ea rona, ho tšepa litsepi tsa Molimo, ho phela leseling leo re nang le lona, re mamelle ho fihlela qetellong. ‘Me taba tse monate ke hore re ka “etsa tsohle ka Krete ea re fang matla” (Bafil. 4:13).

**Ke lipotso life tse boima tse imelang pelo ea hao? Ke ntho life tse baonahalang li sa utloisisehe ha joale? Ke joang ho ithuta ho utloisisa Molimo nthong tseo u li utloisisang ho ka u thusang nthong tseo, u sa li utloisiseng, ha joale?**

## Sekolo sa Kamora Mona

“Hobane hlomoho e chatsi ea rona ea motsotso onae ntse e re sebelletsa letlotlo la khanya le tlōlisang le sa feleng; ha re fela re sa talime tse bonahalang, re mpa re talima tse sa bonahaleng, hoabane tse bonahalang ke tsa mehla ena feela, empa tse sa bonahlaleng ha li ka ke tsa e ba le bofelo” (2 Bakor.4:17–18). Ke sefe seo litemana tsee li re fang sona? Tse ling tsa ntho tsee tsa sa bonahaleng tseo re li emetseng e kaba ke life, tseo re li tšepisitseng ka Jesu? Sheba le Tsen.21:1, 2; Tsen.2:7; Tsen.7:14–17.

Leha litšepiso tseo re li filoeng ho Jesu li tiile hakaalo, leha re e na le mabaka a mangata a matle hakaalo a ho li lumela, 'nete e ea sala, Bibe e fa bohashanyana ba tsona feela. Ntho'e 'ngoe eo re ka bang le bo 'nete ba eona, leha hole joalo, ke hore ho tla ba hotle haholo, hobane, nahana ka kamoo bophelo bo tla ba botle kateng lefatšeng le sa angoang ke sebe!

Mahloko ohle a rona, matšoenyeho ohle a rona, ntho tsohle tseo re loanang le tsona mona ke ka baka la sebe le litholoana tsa sebe. Krete O tlike ho lokisa tsena tsohle, 'me o tla khutlisetsa lefatše moo Molimo a neng a batla le be teng pele le senngoa ke sebe. Haele hantle, le tla ba betere hobane, hara khanya tsena tsohle, re tla khona ho bona maqeba a matsohong le maotong a Jesu ka ho sa feleng, theko ea topollo ea rona.

“Moo, mohlant lesira le fifatsang pono ea rona le tlang ho tlosoa, 'me mahlo a rona a tla bona lefatše leo le letle-letle leo ha joale re utloelang hanyenyane ka lona ha re le sheba ka ferekekere; ha re sheba khanya ea maholimo, tseo ha joale li bonahalang li le hole-hole ha le shejoa ka ferekekere; mohlant, masetlaoke a sebe a tla tlosoa, lefatše lohle le tla hlaha 'botleng ba Morena Molimo oa rona,' lefapha la thuto leo re tla le buleloa e tlaba le le kaakang! Mono baithuti ba saense ba ka phetla lirekote tsa tlholeho, ba sa utloisise letho le ka ba hopotsang ka molao oa sebe. A ka mamela 'mino oa mantsoe a tlhaho e be ha a utloe molumo oa masoabi ho hang. Nthong tsohle tse hlōtsoeng a ka bona mongolo o le mong feela—maholimo le mafatšeng ohle o bona 'lebitso la Molimo le ngtsoe ka tlhaku tse kholo,' 'me le ha e le lefatšeng, leoatle, kapa sebakeng haho moneketselanyana oa letšoa la bobe.”—Ellen G. White, *Education*, leq. 303.

**Leka ho etsa setšoantšo sa kamoo ho tla ba kateng ho phela ka ho sa feleng lefatšeng le lecha-cha, moo sohle se tsang bophelo bo be bosula se leng sieo. U bona ho tla ba joang? Ntho tseo u batlang ho li etsa ke life?**

## Tichere e Kholo

Joalokaha re bone kotareng ena kaofela, e 'ngoe ea ntho tsa mantlha bosebeletsing ba Kreste lefatšeng e n'e le ea bo tichere. Ho tloha qalong ea bosebeletsi ba Hae, ebang ke ka liketso kapa mehlala, Jesu O ne A lutse A ruta balateli ba hae 'nete ka eena, ka Ntate, ka pholoho, le ka tšepo e re emetseng. (sheba Matt. 5:2, Mareka 4:2, Luka 19:47, Johanne 6:59). Ka 'nete seo u lokelang ho se etsa ke ho phetla-phetla evangeli efe kapa efe, 'me hara eona kaofela, u tla fumana Jesu A ruta. Le ha ho le joalo, le hona joale, ka Lentse la hae, Morena O ntae a tsoela pele ho re ruta, thuto ena e tla tsoela pele le lefatšeng le lecha. Empa nahana ka kamoo e tla be e fapane kateng tikolohong e sa senyoang ke sebe le mefokolo eohle e thutong ena e se e le sieo!

**“Etlare ha bare ho eena: ke a'ng maqeba ana a har'a matsoho a hao? O tla re: ke ao ke a entsoeng tlung ea metsoalle ea ka” (Zakaria. 13:6). U nahana temana ee e buoa k'ang?**

---



---



---

“Lilemo tsa bosafeleng, ha li ntse li pitika, tla tlisa tšenolo ea Molimo le Kreste e nonneng e khanyang ho feta. Kaha tsebo ke ntho'e tsoelang pele, ho joaloka lerato, tlhompho, le thabo li tla eketscha. Ha batho ba ithuta ka Molimo haholo, ba tla rata semelo sa hae hho feta. Ha Jesu A bula ka pela bona, menono ea topollo le ntho tse ngata tse fihletsoeng toantšanonng e kholo le Satane, lipelo tsa ba hloekisitsoeng li nyakalla ka ho inehela ka tieo e fetang ea pele, 'me ka thabo e runyang ho feta, ba tsikinyetsa liharepa tsa bona tsa gauta; 'me likete-kete tsa likete tse likete tsa mantsoe li kopana 'moho ho tsanyaola thoko e kholo ea thoriso. . . . “Ntoa e kholo e felile. Sebe le baetsalibe ha ba sa le eo. Maholimo le lefatše li hloekile. Morethetho o le mong oa thabo o retha tlholehong eohle. Ho Eena ea hlōtseng tsohle, ho kolla bophelo, leseli le thabo hore hara bosafeleng. Ho tloha athomong e nyenyane ho isa lefatšeng le leholo, ntho tsohle, tse phelang le tse sa pheleng, botleng ba tsona bo se nang sekoli, li phatlalatsa hore Molimo O lerato.”—Ellen G. White, *The Great Controversy*, leq. 678.

**Hara li 'nete tsohle tse tsotchang tseo re tla ithuta tsona ka ho sa feleng, ha ho letho le tla re hohela ho feta sehlabelo seo Kreste A re etselitseng sona. Nahana ka kamoo ho tebileng kateng hore re tlabe re ithuta ka ho sa feleng. Le hona joale, u ka ithuta ho amohela seo Jesu A re etselitseng sona sefapanong joang?**

### Tsepamisa Maikutlo:

Bala Ellen G. White, “The School of the Hereafter,” maq. 301–309 ho Education; “The Controversy Ended,” maw. 662–678, ho *The Great Controversy*. “Tau, eo re e balehang eo re e tšabang mona, e tla robala le konyana, ’me hohle e tla ba khotso le khutso lefatšeng le lecha. Lifate tsa lefatše le lecha li tla ba telele li otlolohe, li sa kobeha. . . . “Ha sohle se setle lehaeng la rona la lefatšeng se re hopotsa noka ea seipone le masimo a matala, lifate tse fokang le liliba tse phelang, motse o phatsimang le libini tse lipura-pera tse tšoeu-lefatše lane la botle leo ho seng setaki se ka le takang, leo hoseng leleme le ka le hlalolang. Monahano oa hau ha o ke o nahane ka leha la balopolloa, ’me o hopole hore le khanya ho feta kamoo u ka nahanang kateng.”—Ellen G. White, *Heaven*, maq. 133, 134. “Tšabo ea ho etsa lefa la bokamoso e ka ke nth’oe tšoarehang e entseng hore ba bangata ba lahle li ’nete tsa semoea eleng tsona tse etsang hore re le bone e le lehae la rona. Kreste O tiiselitse barutuoa ba hae hore O ile ba lokisetsa bolula tlung ea Ntate. Bohle ba amohelang lithuto tsa Lentsoe la Molimo ha ba na hloka tsebo ka sohle se malebana le lehae la leholimo. . . . Puo ea motho e ea haelloa ho ka hlalosa moputso oa bahalaleli. O tla tsejoa feela ke bao ba tlang ho o bona. Ha ho kelellonyana e felang e ka utloisisang khanya ea paradeisi ea Molimo.”—Ellen G. White, *The Great Controversy*, maq. 674, 675.

### Lipotso tsa Lipuisano:

1. Tsepamisa maikutlo haholo ntlheng e entsoeng ke Pascal, ka batho ba se nang taba ka se tla tlisa ke bosafeleng. U nahana ke hobaneng batho ba le joalo? Hobaneng u nahana see ke ho ba le kelello e sa nahaneng hantle eo motho a ka bang le eona?
2. Tsepamisa maikutlo haholo tabeng ea hore na hobaneng tšepo ea bophelo bo sa feleng e le bohlokoa hakana kana tumelong ea rona. Ntle eona, hobaneng re se na letho?
3. Nahana ka liphiri tse na tsohle tse hlollang tse teng lefatšeng la rona la tlhaho. Ebang ke Biology, Geology, Astronomy, Physics, Chemistry—mafapheng ana ohle, sohle se bonahala se le thata hona hoo batho ba neng ba nahana kateng pele. Mohlala, bo Rasaense ha ba sa buoa ka “bophelo bo bonolo” hobane, hoesa kamoo ho bonahetseng kateng, le ntho tse bonolo feela tse phelang ha li bonolo ho hang. Khatelo-pele e ’ngoe le e ’ngoe, tšibollo e ’ngoe le e ’ngoe, e bonahala e bula lipotso potso tse ncha ho feta likarabo. See se re thusa hakae ho utloisisa hore na re tla ithuta hakae, “sekolong sa kamora moo”?